

# შპს „გურამ თავართქილაძის სასწავლო უნივერსიტეტი“

დამტკიცებულია რექტორის მიერ

ბრძანება № 01-01/27 27 მაისი 2010 წ.

შეტანილი ცვლილებები:

1. რექტორის 2010 წლის 2 დეკემბრის ბრძანება №01-01/68
2. რექტორის 2012 წლის 25 მაისის ბრძანება №01-01/31
3. რექტორის 2012 წლის 3 დეკემბრის ბრძანება №01-01/74
4. რექტორის 2014 წლის 4 სექტემბრის ბრძანება №01-01/62 – (დამატებულია 2.2. მუხლი ზ) ქვეპუნქტი)

სტუდენტის სტატუსის და უფლება-მოვალეობის  
დებულება

თბილისი  
2010 წ.

## 1. სტუდენტის სტატუსის მოპოვების საფუძველი

- 1.1. უმაღლესი განათლების პირველ საფეხურზე - ბაკალავრიატში სტუდენტის სტატუსის მოპოვების უფლება აქვს მხოლოდ საქართველოში გაცემული ან მასთან გათანაბრებული სრული ზოგადი განათლების დამადასტურებელი დოკუმენტის მფლობელს, რომელმაც საქართველოს განათლების და მეცნიერების სამინისტროს მიერ დადგენილი წესით, ჩააბარა ერთიანი ეროვნული გამოცდები და უმაღლეს საგანმანათლებლო დაწესებულებაში გაიარა რეგისტრაცია.
- 1.2. ერთიანი ეროვნული გამოცდების გარეშე სტუდენტის სტატუსის მოპოვების უფლება აქვთ საქართველოს იმ მოქალაქეებს, რომელთაც უცხოეთის ქვეყანაში საშუალო ან მისი ეკვივალენტური განათლების მიღების შედეგად მოიპოვეს ამ ქვეყანაში უმაღლესი განათლების მიღების უფლება და აკმაყოფილებენ საქართველოს განათლებისა და მეცნიერების სამინისტროს მიერ დადგენილ პირობებს.
- 1.3. ერთიანი ეროვნული გამოცდების გარეშე სტუდენტის სტატუსის მოპოვების უფლება აქვთ უცხო ქვეყნის მოქალაქეებს ან მოქალაქეობის არმქონე პირებს, რომელთაც მოპოვებული აქვთ უმაღლესი განათლების მიღების უფლება იმ ქვეყნის კანონმდებლობის თანახმად, რომელშიც მიიღო საშუალო ან მისი ეკვივალენტური განათლება.
- 1.4. სტუდენტი, რომელიც ერთიანი ეროვნული გამოცდის განმეორებით გავლის შედეგად მოიპოვებს სახელმწიფო სასწავლო გრანტს, სწავლას განაგრძობს იმ ეტაპიდან, რომელზეც იმყოფებოდა ერთიანი ეროვნული გამოცდების განმეორებით ჩაბარებამდე.
- 1.5. უმაღლესი განათლების მეორე საფეხურზე - მაგისტრატურაში სტუდენტის სტატუსის მოპოვების უფლება აქვს ბაკალავრის აკადემიური ხარისხის მქონე ან მასთან გათანაბრებულ პირს, რომელმაც ჩააბარა საერთო სამაგისტრო გამოცდები, საქართველოს განათლების და მეცნიერების სამინისტროს მიერ დადგენილი წესით, გააჩნია შესაბამისი სერთიფიკატი და წარმატებით გადალახა ფაკულტეტის დებულებით განსაზღვრული მისაღები პროცედურა.  
(ბრძ. № 01-01/31 25 მაისი 2012 წ.)

## 2. სტუდენტის სტატუსის შეჩერების საფუძველი

- 2.1. სტუდენტის სტატუსის შეჩერებად განიხილება უნივერსიტეტისა და სტუდენტის უფლება-მოვალეობების შესრულებისგან განთავისუფლება სტუდენტის სტატუსის შეწყვეტის გარეშე.
- 2.2. სტუდენტის სტატუსის შეჩერების საფუძველია:
  - აკადემიური შვებულება;
  - ავადმყოფობა რომელიც გამორიცხავს სასწავლო პროცესში მონაწილეობის შესაძლებლობას;

- უცხო ქვეყანაში, უმაღლეს საგანმანათლებლო დაწესებულებაში სწავლა;
- სისხლის სამართლის პასუხისგებაში მიცემა მძიმე, ან განსაკუთრებით მძიმე დანაშაულისათვის განაჩენის კანონიერ ძალაში შესვლამდე;
- ფინანსური დავალიანება;
- აკადემიური რეგისტრაციის გაუვლელიობა.
- ზ) მობილობის საფუძველზე ჩარიცხული სტუდენტის მიერ პირად საქმეში არსებული დოკუმენტაციის დედნების წარმოუდგენლობა. (რექტორის 2014 წლის 4 სექტემბრის ბრძანება №01-01/62)

2.3. სტუდენტს აკადემიური შვებულება ეძლევა:

- ა) უცხო ქვეყანაში, უმაღლეს საგანმანათლებლო დაწესებულებაში სწავლა, არაუმეტეს სამი წლის ვადით, გარდა იმ შემთხვევისა, როცა დოკუმენტურად დასტურდება სასწავლო პროგრამის მეტი ხანგრძლივობა;
- ბ) სავალდებულო სამხედრო სამსახურში გაწვევის გამო;
- გ) ამოღებულია (ბრძ. № 01-01/31 25 მაისი 2012 წ.)
- დ) ორსულობისა და ახალშობილთა მოვლის გამო (არაუმეტეს 4 სემესტრისა);
- ე) სხვა საპატიო მიზეზით, ფაკულტეტის საბჭოს მიერ კონკრეტული განცხადების განხილვის საფუძველზე მიღებული დადგენილების შესაბამისად.

2.4. სტუდენტის სტატუსის შეჩერებიდან 5 წლის შემდეგ პირს უწყდება სტუდენტის სტატუსი.

2.5. პირი, რომელსაც შეჩერებული აქვს სტუდენტის სტატუსი, არ განიხილება დაწესებულების სტუდენტების საერთო რაოდენობის ფარგლებში. სტუდენტთა რაოდენობის აღრიცხვის მიზნით, უნივერსიტეტი ვალდებულია უზრუნველყოს აკრედიტებული უმაღლესი საგანმანათლებლო დაწესებულებების, სტუდენტებისა და პროფესორ-მასწავლებლების რეესტრში სტუდენტის სტატუსის შეჩერების რეგისტრაცია.

2.6. სტუდენტები, რომელთა დაწესებულებები ლიკვიდირებული იქნა უფლებამონაცვლის განსაზღვრის გარეშე, მიიჩნევიან სტუდენტის სტატუს შეჩერებულ პირად.

### 3. სტუდენტის სტატუსის შეწყვეტის საფუძველი

3.1. სტუდენტის სტატუსის შეწყვეტის საფუძველია:

- ა) პირადი განცხადება;
- ბ) კანონიერ ძალაში შესული სასამართლოს გამამტყუნებელი განაჩენი;
- გ) ერთი და იმავე სავალდებულო სასწავლო კურსში სამი მცდელობით დადებითი შეფასების მიუღებლობა;
- დ) უხეში და არაეთიკური დამოკიდებულება, ძალადობა და შეურაცხყოფა სტუდენტების, აკადემიური, ადმინისტრაციული და დამხმარე პერსონალის მიმართ;

- ე) შეფასების მიღების მცდელობა გამომცდელზე მუქარით, ფიზიკური ან ფსიქოლოგიური ზემოქმედებით, მოტყუებით, თაღლითობითა თუ სხვა დაუშვებელი ხერხებითა და ქმედებებით;
- ვ) საგანმანათლებლო პროგრამის დასრულება მოცემულ საფეხურზე;
- ზ) სტუდენტის სტატუსის შეჩერება 5 წელზე მეტი ხნის განმავლობაში;
- თ) გარდაცვალება;

3.2. სტუდენტის სტატუსის შეწყვეტის შესახებ სამართლებრივი აქტით გათვალისწინებული სამართლებრივი შედეგები (ვ) და თ) პუნქტების გარდა) დგება ბრძანების გამოცემიდან 12 თვის შემდეგ. დროის ამ მონაკვეთში სტუდენტის სტატუსი ითვლება შეჩერებულად და სტუდენტი უფლებამოსილია ისარგებლოს მობილობის უფლებით, გარდა იმ შემთხვევისა, როდესაც სტუდენტის სტატუსის შეწყვეტის საფუძველი შეუთავსებელია მიმღები დაწესებულების წესდებასთან.

#### 4. სტუდენტის სტატუსის აღდგენა

- 4.1. 2010 წლის 5 თებერვლამდე გარიცხული/ამორიცხული სტუდენტი განიხილება სტუდენტის სტატუსის შეჩერებულ პირად გარიცხვის/ამორიცხვის შესახებ ბრძანების გამოცემიდან ათი წლის განმავლობაში და ამ ვადაში უფლებამოსილია, მიმართოს გთსუ-ს სტუდენტის სტატუსის აღდგენის თაობაზე, თუ გარიცხვის/ამორიცხვის საფუძველი არ არის ამ წესით დადგენილი სტუდენტის სტატუსის შეწყვეტის საფუძველი.
- 4.2. სტუდენტის სტატუსის აღდგენა იმ უნივერსიტეტში, სადაც პირს შეუჩერდა სტუდენტის სტატუსი, დასაშვებია განათლების ხარისხის განვითარების ეროვნული ცენტრის მიერ განსაზღვრული სტუდენტთა საერთო რაოდენობის ფარგლების გადაჭარბებით. ამ შემთხვევაში სტუდენტების საერთო რაოდენობის ზევით ჩარიცხული პირების რაოდენობა გამოაკლდება მომდევნო სასწავლო წლისათვის უნივერსიტეტის მიერ დადგენილ სტუდენტთა მისაღები ადგილების რაოდენობას.
- 4.3. **ამოღებულია რექტორის 2012 წლის 3 დეკემბრის ბრძ.№01-01/74**
- 4.4. სტუდენტის სტატუსის შეწყვეტის შემთხვევაში, მისი ხელახლა მოპოვება დასაშვებია მხოლოდ ერთიანი ეროვნული/სამაგისტრო გამოცდების საფუძველზე. სტუდენტის ერთიანი ეროვნული გამოცდების შედეგად ჩარიცხვის შემთხვევაში, ფაკულტეტის საბჭო განსაზღვრავს თუ რა ეტაპიდან განაგრძობს სწავლას სტუდენტი, მის მიერ ათვისებული საგანმანათლებლო პროგრამის შესაბამისობით და შეუსაბამობით იმ პროგრამასთან, რომელზეც სურს სწავლის გაგრძელება.

#### 5. სტუდენტის უფლება-მოვალეობები

- 5.1. სტუდენტს უფლება აქვს:
  - ა) მიიღოს ხარისხიანი უმაღლესი განათლება;
  - ბ) მონაწილეობა მიიღოს ფაკულტეტის მართვაში;

- გ) თანაბარ პირობებში ისარგებლოს უნივერსიტეტის მატერიალურ-ტექნიკური, საბიბლიოთეკო, საინფორმაციო და სხვა საშუალებებით;
- დ) მიიღოს ამომწურავი ინფორმაცია უნივერსიტეტსა და ფაკულტეტის საქმიანობის, მათ შორის საფინანსო და ეკონომიკური საქმიანობის შესახებ;
- ე) საყოველთაო, პირდაპირი და თანასწორი არჩევნების საფუძველზე ღიად ან ფარულად აირჩიოს და იყოს არჩეული უნივერსიტეტის, ფაკულტეტის წარმომადგენლობით ორგანოებში ან სტუდენტური თვითმმართველობის ორგანოებში;
- ვ) თავისუფლად გამოხატოს საკუთარი აზრი;
- ზ) ისარგებლოს სტუდენტის აკადემიური მობილობით;
- თ) ისარგებლოს საგანმანათლებლო პროგრამით გათვალისწინებული არჩევითობის პრინციპით და მიიღოს მონაწილეობა სამეცნიერო კვლევებში;
- ი) მოქმედი კანონმდებლობით და/ან უნივერსიტეტის შინაგანაწესით გათვალისწინებული წესით მიიღოს სახელმწიფოსაგან ან სხვა წყაროებიდან სტიპენდია, ფინანსური ან მატერიალური დახმარება ან სხვა სახის შეღავათი;
- კ) შეიჩეროს და აღიდგინოს სტუდენტის სტატუსი ამ დებულების 2 და 4 პუნქტების მიხედვით.

## 5.2. სტუდენტი ვალდებულია:

- ა) განუხრელად იცავდეს ეთიკის კოდექსს და უნივერსიტეტში მოქმედ სხვა წესებს;
- ბ) ესწრებოდეს ლექციებს, დროულად ასრულებდეს გეგმით გათვალისწინებულ დავალებებს; დაემორჩილოს ფაკულტეტის ადმინისტრაციისა და ლექტორის კანონიერ მოთხოვნებს;
- გ) იყოს სამართლიანი და მომთხოვნი როგორც სხვების, ისე საკუთარი თავის მიმართ,
- დ) პასუხისმგებლობით ეკიდებოდეს საგანმანათლებლო პროგრამის ხელმძღვანელის რჩევებსა და მითითებებს;
- ე) შეასრულოს უნივერსიტეტთან დადებული ხელშეკრულებით გათვალისწინებული მოთხოვნები.

## შეტანილი ცვლილებები:

1. რექტორის 2010 წლის 2 დეკემბრის ბრძანება №01-01/68
2. რექტორის 2012 წლის 25 მაისის ბრძანება №01-01/31
3. რექტორის 2012 წლის 3 დეკემბრის ბრძანება №01-01/74
4. რექტორის 2014 წლის 4 სექტემბრის ბრძანება №01-01/62 – (დამატებულია 2.2. მუხლი ზ) ქვეპუნქტი)